

金石萃編

金石萃編卷六十七

賜進士出身 誥授光祿大夫刑部右侍郎加七級王昶謨

唐二十七

龍興寺經幢

幢高七尺一寸六分八面各廣一尺一寸六分內惟
第四面十一行餘俱十行行五十五字正書額題佛
頂尊勝陀羅尼口妙救危濟難之口
幢十六字篆書今在杭州龍興寺

佛頂尊勝陀羅尼經序

佛頂尊勝陀羅尼經

開成二年正月一日建 建主鄭徹 同建造僧宗
亮 同勾當造幢吳中則

處士胡季良書 都料匠吳興沈郁 弟咸刻字

奉爲國王太子輔相大臣州縣案牘及多生父母十方施主法界有情重修此幢永充供養大中五年八

月廿四日建 勾當僧可儀 大德僧幼則 老宿

僧惟素 大德僧口道儀 供奉大德僧貞實 監

寺大德僧良滌 長講律大德僧懷志 僧常居

法師洪彬 僧惠超 都維那僧志圓 寺主僧文

父 上座僧智常 同捨錢助緣人前衡州衡山縣

令陳倅 前國子監明經姚繼文 前明經夏敦禮

祝師益 陳謙 徐宏發 徐口 汪景復 湯

簡文 褚達 鄭絳 錢處質 沈文漸 朱德以上

俱在第八面後幅

密漸邦 □□ 葛□ □□ 舒三娘 □□

何十一娘 □□ 陳簡 孫韶 楊璘 徐□

欣盛 □□ 陳華 郭六□ 朱豐 朱鵠 徐

鵠 張□ 劉歡 □□ 以上第一面下截

顧瑜 □□ 許敬真 韓思齊 錢李榮 □華

姚通 沈□ 王季超 梅榮 沈二娘 馬雲

沈暉 姚秀 茅宏簡 熊鈞 湯述 嚴景運

曹峯 俞行言 談欽 楊升 以上第二面下截

張行簡 俞逢□ 齊四娘 □□ 顏忠悅 □

□ 鄧文□ □□ 虞公達 □□ 黃元志

鄧□ 嚴皓 張□ 莫惟彥 □□ 胡景元

周□ 吳景□ 陳□ 以上第三面下截 第四面五面下截俱漫滅

□□ □□ □□ 朱□ □□ □□ □□

高□ □□ 魯□ □□ 徐通 □□ 楊

二娘 □□ 王二□ □□ 孫□ □□

□□ □□ □□ □□ 以上第六面下截

□□ □□ 吳□ □□ 朱迎 □□ 孫簡

□□ □□ 九娘 □□ 董□ □□ 劉□

□□ □□ □□ 徐君直 □□ 俞亮 □

□ 以上第七
面下截

安及 □□ 李從直 王宏簡 陳峯 薛□

□□□ □□ 丁仲蠲 □□ 歐陽彰 賈開

吳俊 璩叔珣 何琪 滕榮 夏十娘 周度

范安 馬千□ 祝鈞 范世□ 以上第八
面下截

梁乾化五年五月八日頭陞僧處道重修建內有舍

利五十四顆琉璃瓶盛

淳祐八年三月初八日□□衆人修

是幢久沒民間幸于明宗禎丙子年放光遂得興緣

檀越沈演方子將馮淇業王元建捨資沙門元神海
音復創于 大清順治乙未九月十三日千佛寺住
錫龍興口忠重修建

按龍興寺在杭州城北祥符橋杭州府志云梁大
同二年鮑侃捨宅名發心院唐貞觀中易名衆善
神龍元年改中興三年改龍興宋真宗時賜額大
中祥符律寺幢題云開成二年正月一日建又云
大中五年八月廿四日建大中距開成僅十五年
不應有事于重修疑是前建未竣至是畢功也至
梁乾化五年則逾歲久遠當因傾圮重修矣此次

一始以琉璃瓶盛舍利五十四顆是全幢拆修矣是
年十一月始改元貞明故五月尚稱乾化五年是
時杭州已爲吳越所有據十國春秋吳越世家直
用天寶爲武肅紀號乾化五年爲吳越天寶八年
然歐公五代史十國世家年譜序謂五代十國稱
帝改元者七吳越荆楚常行中國年號然子聞於
故老謂吳越亦嘗稱帝改元而求其事跡不可得
獨得其封落星石爲寶石山制書稱寶正六年辛
卯則知其嘗改元矣吳蘭庭五代史記纂誤補云
謹按容齋四筆錢武肅之改元有天寶寶大寶正

三名歐陽但知其一耳今以此幢證之則錢氏雖
建元而國人仍未行其號不然何以此幢不稱天
寶而稱乾化耶幢爲處士胡季良書宣和書譜稱
季良工行草字體溫潤有秀穎之氣又金石錄載
國子司業辛瑋碑元和四年胡季良篆則不獨工
行草書矣

元政經幢

幢已三段合之高五尺九寸八面每
面廣五寸各六行行六十九字行書

佛頂尊勝陀羅尼經

佛頂尊勝陀羅尼石幢讚

并序

原夫覺尊千佛理勝萬法口於口口中口口口
口口口口口口口口悟八性之口口珠必遊於滄
海修善可依於大乘口猶月光徐八極之昏佛惠破九
幽之口下羅尼之謂口口乎梵下口口口口者也口
口宣於帝釋所謂三世如來之審迹百千諸佛之舉掘
乃假佛心其爲濟拔下謹於亡妻營內口以旌其善
也乃命口口良工口口山之下是以善住天子親承佛
旨憶念檢持捨宿業之塵昏超殊勝之妙果爰以建立
仰希佛下口口皆蒙利啓虔誠之意奉貞口之心用
表發輝永口口乃爲銘曰

佛頂下覺下刻石傳經口口口實 俗事間公惟賢

奉聖蘭殿歸依無為惠定下

開成五年三月三日為亡父母建立石幢子一所長

男元政 元則 元和 孫元行實 元行及 元

行諫 元行放

杜城店殘幢

幢上下皆缺八面每面廣六寸
各六行每行字數無攷正書

上敬思書

尊勝陀羅尼經

上口口並願同證菩提杜城店合村老宿等同會

昌元年辛下

刻字李從陳

奚獎書經幢

幢字磨泐拓本長短不齊今計其長者高六尺八面
每面八行行字不計行書今在紹興府越山書院

佛頂尊勝陀羅尼經并序

前昭義軍節度要藉試右下河內下

大唐會昌下

都維那宣口上座宏達寺下

檀越主姚禹口口章造檀越主錢異姚寓

章造都勾下鄧人應成陳容程雲下

僧文鑒等經幢

石下截不全今存者高四尺七寸八面各廣九寸每面咒三行行十五字行書下有十字皆助緣上座維那等姓名僅存四字二字不等今不錄

佛頂尊勝陀羅尼經

內有舍利二七粒

如來法身偈

奉爲 四恩三有及法界生靈敬造此幢成願同登覺路

唐會昌二年壬戌九月八日寺僧文鑒等同建

沙門契元書

同建幢前試右武衛長史陸榮

大臣吳郡陸永 司馬饒鎬

龍首鄉經幢

幢上下皆殘缺現存兩段計共高五尺六寸八面
每面寬六寸或六行七行不等字數無考正書

佛頂尊勝陀羅尼經

會昌三年歲次癸亥八月丁巳朔七日

以下二行磨泐不可辨

口口義口口口口口口口龍首鄉興臺里口村建立

于惟則經幢

幢高六尺六寸八面每面廣八寸各七
行行六十六字正書今在西安府學

京兆府興平縣縣東北隅陀羅尼幢記

處士王鉉撰

奉禮郎尚□□書

縣人于惟則奉爲

文武百辟當縣宰寮及□界有情敬造

竊惟金人西□雷音絕唱於□筮至教□□業空傳
於漢地雖法門繁□俱□□梁□□□其□陀羅
尼焉于公稱惟則本河南人也家瞻溫恭人稱英亮忠
信先聞於□室深崇□志於三乘有悲□之心具利□
之行王□之暇□□興懷將梓禱摸異崇妙□□□
□□□□有緣□德同心爲□□之利而居□□□

□□□□□□□□乎存歟逝者不□于厥願存之
豈爽以前心既屬道泰時通亦乃樹茲本意爰□□刻
密言徵良匠以呈奇採元石而鑽鑲厥功既就乃卜□
縣城艮隅之立□足使落塵□影□庭□舟瞰囑承風
永辭□□鉉實不敏輒□□□申□□□述□猷雖
不足以成文□深心於能事矣

尚□□ 王倫

大中二年己巳歲正月丙辰朔一日建

□事□□□□□差□□□等□□□李鐸□錄事

都曹等周寔輔 □□□師□□慶

梁

仙

吉倫輔

李良 張懷 妻王氏 惟則先亡父母 惟則妻
左氏 長男敬鄩

李朝成經幢

幢高六尺九寸八面每面廣六寸前六面各六行後
二面各五行字數五十餘至八十餘不等行書在西
安府

佛頂尊勝陀羅尼經

大中二年二月六日夫人 奉爲 國及文武百寮
師僧父母亡過先靈敬造幢立長安縣義楊鄉

唐故劔南西川監軍使紆軍大將軍行右監門衛將軍員外置同正員上柱國成紀縣開國侯食邑一千戶贈特進李朝成

故含光副使朝義大夫行內侍省內府局承員外置同正員上柱國賜緋魚袋李文端 夫人張鳳馬

氏 長子登仕郎行內侍省掖庭局宮教博士員外置同正員上柱國公繹 次子公汭 幼曰公浩

按幢立于長安縣義楊鄉義楊當是義陽長安志云在縣西南二里李朝成結銜云劔南西川監軍使唐書兵志上元中以北衙軍使衛伯玉爲神策

金匱要略卷之六十一
九
軍節度使鎮陝州中使魚朝恩爲觀軍容使監其
軍此監軍之名所自始然幢立于大中二年距上
元之設監軍又隔九十年豈其官不廢耶且劍南
西川之置監軍使始於何年史亦無攷李文端結
銜含光副使未詳朝義大夫當卽朝議內府局與
其子公繹之官掖庭局同屬內侍省又宮教博士
掌教習宮人書扇衆藝之官皆內官此幢後題李
文端有夫人馬氏又有三子蓋是當時之內官皆
娶妻而有嗣子也

梨園店經幢

幢高六尺一寸八面廣七寸四分或五寸及五寸三分各八行行六十二至六十五字不等行書在淳化縣

佛頂尊勝陀羅尼經序

維大唐大中五年辛未歲六月壬寅朔三月甲辰梨園店奉爲敬聖文思和武光孝皇帝及文武百官衆施主等建立尊勝寶幢一所

按文所稱皇帝乃宣宗也舊唐書宣宗紀大中二年春正月壬戌宰臣率文武百寮上徽號曰聖敬文思和武光孝皇帝此碑作敬聖未詳孰是

僧幼恭經幢

幢已三段合之計高七尺九寸八面每面
廣六寸八分各七行行七十一字行書

佛頂尊勝陀羅尼經序

佛頂尊勝陀羅尼經

維大中六年歲次壬申正月壬寅朔廿四日辛卯奉
爲 國建立尊勝石幢勾當修幢尼

寺主幼恭 都維那從謹 上座口才

按幢題正月壬寅朔廿四日辛卯據廿四日是辛
卯則朔日是戊辰非壬寅也通鑑目錄載大中六
年壬申歲四月丁酉朔則正月是戊辰朔唐書宣
宗紀載是年正月戊辰以隴州防禦使薛勣云云

戊辰下不言朔史文漏畧也又此幢搨本簽題鑑
塔寺今按幢中無此寺名姑識之

馮鍊經幢

幢高五尺七寸八面每面廣五寸
三分各七行行七十餘字行書

佛說佛頂尊勝陀羅尼經

維大唐大中七年歲次癸酉二月乙卯朔十八日己
卯爲亡兄曾於廊下都何當文武百寮食官將仕郎
守泗州司馬賜緋魚袋馮鍊弟馮叔係

按幢題二月乙卯朔十八日己卯據十八日是己
卯則朔日是壬戌非乙卯也通鑑目錄載是歲三

月辛卯朔則二月是壬戌朔

大中殘幢

幢上下皆缺現存中段高二尺六寸三分入面每面廣六寸五分各六行字數無考行書

尊勝陀羅尼經

大中十四年九月廿三日建立

雙讚經幢

幢兩段合之高六尺七寸入面每面廣五寸入分各六行行七十餘字正書

佛頂尊勝陀羅尼經

尊勝幢讚

善哉如來 曠劫修行 口等並覺 無滅無生 啟

念罪苦 說尊勝經 舟航口渴 度脫有情 猶如
慧日 普照幽冥 今慈崇建 用報先靈
又讚

尊勝功德不思議 諸佛如來起大悲 風塵塵點丘
荒骨 幽魂必定證无爲

維咸通二年歲次辛巳正月丙子朔七日壬午
口口口穆奉爲 亡考建立願承此功德永離三途
諸佛會中受勝快樂

按幢題正月丙子朔七日壬午據通鑑目錄咸通
二年正月乙亥朔非丙子而由此逆推上年十一

月丙午朔十二月丙子朔閏十二月當是乙巳朔
則本年正月是乙亥朔矣舊唐書懿宗紀上年十
一月亦作丙午朔與通鑑合然幢云七日壬午則
朔日丙子又似不誤宜兩存之

劉氏經幢

幢高六尺三寸八面每面廣六寸各六行每
行字數六十至六十餘不等行書在西安府

佛頂尊勝陀羅尼經

佛弟子彭城郡夫人劉氏爲 亡夫建造尊勝幢一所

願福資生果因覩斯善 贊曰

彭郡夫人 母儀欽則 追緒亡靈 爰稱佛力 建

妙寶幢 口空攝日 其口及身 万罪消釋 所願

良因 莊嚴亡議 百千万記 傳之貞石

大唐咸通二年辛巳歲八月廿五日建于萬年縣澧

川鄉鄭村之里也 長男從寔 次從安 從寓

女尼妙口

按幢題佛弟子彭城郡夫人劉氏爲亡夫造幢云
云而贊語乃自云彭城夫人母儀欽則此當是男
從實等爲父造幢尊其母遂題劉氏爲亡夫之語
於前而贊詞則歸美于母也幢建於萬年縣澧川
鄉鄭村里長安志萬年縣不載此鄉里惟云澧水

在縣東北流四十里入渭又云長樂坡在縣東北
一十里卽漣水之西岸十道志曰舊名漣坂此題
云漣川鄉疑卽近長樂坡也

李君佐經幢

石高廣俱二尺二寸十八行
行十九字至二十二字不等

佛頂尊勝陀羅尼呪

咸通七年二月十五日弟子李君佐建造

按此是方石一面與他幢不類無可附姑列于此

洪福寺經幢

幢已斷合之高六尺三寸七分入面而面廣五寸三四
分至七入分不等各六行行字數六十四五至七十

四五不等行
書在西安府

佛頂尊勝隨羅尼經

維咸通十年歲次己丑二月口丑朔九日丁酉左勒
先鋒兵馬使王口人奉爲

口口父母七代先靈建此口口幢神生淨土福延後
嗣

按幢題二月口丑朔初一字以下文九日丁酉推
之是己丑也稍之通鑑亦與此合

臥龍寺幢

石橫廣三尺九寸高一尺六寸共四十二行
每行約二十字正書在咸寧縣東南臥龍寺

千手千眼觀世音菩薩廣大圓滿無礙大悲心隨羅尼
呪

無量壽如來根本隨羅尼

阿彌陀心真言

咸通十二年辛卯歲口次孟春口口口

口侍教法比丘洪惟

弟子王元諗

聞人鉢等殘幢

幢高六尺闊本六面各廣七寸餘面七行
行字不計行書今在紹興府蕺山書院

佛頂尊勝隨羅尼經

右尊勝經幢在紹興府戒珠寺卽王右軍別業也今
移置鼓山書院按嘉泰會稽志載有成通十二年聞
人銖等造幢卽此錢泳跋

琅琊王氏墓銘經幢

幢高二尺二寸三分八面而廣三寸二面墓銘餘六
面隨羅九呎每面三行行十七字至二十二字不等
正書在西安府金聖寺

唐故琅琊王氏夫人墓銘

夫人卽故玉冊官內供奉賜緋魚袋強瓊之妻公先歿
已十五年葬在醴泉本鄉也夫人年七十七有子四人
女二人乾符元年十二月廿二日忽染膏荒之疾終羣

賢里第三子一女先 令幼男女其二塋葬禮以三年
二月廿四日卜于祁村男側

佛頂尊勝陀羅尼呪

夫人中官强瓊妻也瓊名見梁守謙功德頌後銘後

刻佛頂尊勝經

關中金
石記

右瑯琊王夫人基銘在西安府崇仁寺題云基銘寶
與佛頂尊勝陀羅尼同刻一幢非埋于龕中者瑯琊
字古書多作琅邪此用唐人俗體夫人爲玉册官內
供奉强瓊之妻强氏見於史者唯宋强至及其子淵
明瓊任玉册官殆以鐫字供奉者歟文云忽染膏肓

之疾借荒爲身也

潛研堂金石文跋尾

李端符經幢

幢人面高六尺六寸五分每面廣一尺各九行行五十九字行書在無錫縣惠山寺

佛頂尊勝陀羅尼經

并序

白鹿山人李端符捨書奉報四恩三有永充供養

善衆 君子建 尊勝幢因書長句

興寧沙門道朗

善往因來誼 法王七生業累獲銷亡還居忉利持章句不逐天人戀色香波利一心瞻 佛祖文殊再遣往西方今朝 國土雲幢立口智巍巍天地長

大唐乾符三年歲次丙申十一月甲戌朔廿二日乙未建

都維那僧宏益 上座僧令從 寺主僧行忠 老

宿杜諫 都料郁口

直歲僧智宗

吳郡陸承鼎鐫字

楊萬歲經幢

幢高大尺三寸八面每面刻五寸六分各六行
行七十一至七十六字不等行書在洪福寺

佛頂尊勝陀羅尼經

乾符三年十二月一日建立

內故 供奉應 制賜紫金魚袋宏農郡楊萬歲

牛頭寺經幢

幢高六尺六寸四分八面每面廣六寸六分各五行行五十二字正書在牛頭寺

佛頂尊勝陀羅尼呪

聖千手千眼觀世音自在菩薩摩訶薩廣大圓滿无障礙大悲心陀羅尼真言

阿闍如來根本滅惡趣陀羅尼

淨口業真言

地藏菩薩破地獄真言

普賢菩薩滅罪真言

解多生冤結真言

文殊五髻真言

吉祥真言

佛頂尊勝大悲心及諸真言讚

京左街永報寺沙門詞浩述并書

妙覺出興 廣宏利濟 教演多途 開鑿除翳 惟

其尊勝 三世佛心 能慈能惠 惟密惟深 其力

口大 其功頗徵 塵沾影覆 盡獲超昇 今之建

量 斯有所爲 資先考靈 冥途永離 神棲淨刹

口口花口 三惡道閉 七覺路通 真空永入

幻有長祛 豈勞歷劫 便獲無餘

訖符六年歲次己亥二月辛酉朔十二日壬申孤子

宋口口奉爲 口口口口建立

中書省鑄玉冊口口口口字

沙門歸肇書幢

幢高六尺八寸八面其廣四尺八寸首二面皆七行
三四五面皆六行後面四行行七十三四五字不等
書正

大興善口口口口本

孤子楊口等伏爲

先考尙書 先妣蘭陵夫人敬立斯幢永薦 冥福

謹記

大唐乾符六年八月一日東都天宮寺沙門歸筆書
畢

比邱宗肇經幢

幢止存上半高三尺八寸七分八面面廣九寸第一
至第六面各九行行存三十八字書陀羅尼經第七
八兩面各十行行存四十字書佛說阿彌陀經正書

佛頂尊勝陀羅尼經序

佛頂尊勝陀羅尼經

維大順口年二月八日比丘宗肇奉爲當院亡過先

師和尚十三

下

佛說阿彌陀經

臥龍寺幢

幢殘缺存下半高三尺七寸八面各廣七寸每面十二行十三行不等行存八十餘字正書在咸寧縣臥龍寺

陀羅尼經

乾寧元年歲口口口口口口口口日己未女弟子陳氏建立

大馬村經幢

幢不知幾面今僅揭其末一面高七尺二寸廣二尺三寸漫滅已甚行字俱無考僅存咒語數十字正書尊勝陀羅尼呪

□□院□主僧□岳三聖院主僧□顯

□□院主僧□明□□院主僧□文

□□□□同□趙立助緣鹽醋

□□□□□□□□助緣□食

□□□□□□□□塘西人李□

按幢無建立年月末下角有題名五行勢窮存字
如此其助緣鹽醋助緣□食字畫可辨大約是建
幢時所助之食物也然他碑無此式

涇陽縣經幢

幢高八大九寸六分八而各廣七寸五分每面八行
行一百十至一百三十餘字不等正書在涇陽縣

佛頂尊勝陀羅尼經

皇甫寶經幢

幢上殘闕，並存高五尺八寸七分，入面廣八寸七分。分作兩截，書上截各九行，每行約六十字；下截各十行，行十字或十一、十二字。不等經文，正書記行書。

佛頂尊勝陀羅尼經序

佛說下手千眼觀世音菩薩无礙大悲陀羅尼神呪

佛頂尊勝闕下

□□□□隴西□□□

守真□者繩繩用之□□□味禪悅者湯湯酌之而

難□皦潔冰淨光映涅槃之山口，冷玉華源流功德

之水上以灑甘露下以泛慈航拔乎口老病死拯乎
胎卵濕化則是我沙門雄猛大師法王口口金輪帝
孫淨飯王子者也口其超三界騰九天置大地於爪
甲納須彌於毛孔引衆生於彼岸飭駕三車照羣生
於他方了開千眼於是闡無上道啓不二門口大雲
而羣山其滋霖法雨而口花皆潤般若根茂口口口
口口螻蟻菩提口口口口口於草木口口口口口
口之表其口口口口口口口京須開口口口口口
口口口衆敷寶口口口口口口口信鼓龍女口口
口口口口口八音雲王雨花散芳口香口數里河

最爲之震動口口於焉悚慄將謂口會同其宣說佛
頂尊勝陀羅尼呪者也俾其病者愈凶者吉愚者惠
慮者實乾口婆之少遇已焚解脫之香口隨羅之乍
聞更入慈悲之口質乎昆蟲啓蛰蠶蠶將飛一聆雅
音生乎天垂矧乎厭口香華稽首歸信祈無量壽國
登不死福口夫何難哉日者信厚居口安定皇甫公
王諱寶少年口長劔壯歲追酒徒聲如震雷材可扛
鼎言談多逐日之氣叱咤有千星之力又有太原口
長者口口池水登耆闍山意口太清志在禪關其成
口口口口之原善哉吾未之迫也口口口戰諸侯烏

飛白屋□□□□默黎非罪而見戮良可□□□
智慧劍刻煩惛緣□□□燈照無明室斷疑網而□
□洞解魔縛而覺路將開□□□而蓮花淨心持正
法而金石□體莫不內分忠孝之□外□□□之□
增□□□□□□□崩劫火□龍鳳字金玉文□□
五采文氤氲須達長□□□□東西□□皆頂謁百
福千□□祐□想滄波竭□□海自□□□□□
相□□□□□□手拯羣生□□□□□□誠空餘
□□□長

上
闕 歲在作運□□
下
闕

上
關口口皇甫賓下

前集賢口口

皇甫暉 劉景 趙諗 張頰 張口 口口口

張七娘 李廉 皇甫元賓 口仙朝 張遊藝

邵婆 宋子瑤 張口 張重珪 張重秀

西明寺經幢

幢入面上截已殘缺僅高三尺七寸五分每面廣七寸五分或七寸八分不等各入行字數無考其讚與人名分上下兩截刻行書在西安府

尊勝陀羅尼經

上
關口口口口建立 口口口口羅尼幢

缺

口今敬造口口列坐之次叙言口口口口

口口上報口口之恩下協羣生口口潛口口

口口廓清風雨口口口口口口口口讚曰

口口口口口口口口天貞隆庶靈趣口口口

口口口口口口口口厥康口茲億願福

祉無疆缺

口口口口口口口口口口口口宏口都尉

張口口

社官元諒社錄程贈都勾當雜事口口口

口口盧珙社口焦季良李文政吳維口

□□□ 楊再□ □□ 袁興 韓仕傑 □

□□□□ 茹在遷 老宿田宗古 □□ 李義

琳 □閏 嚴情 田元深 劉□記 趙□□

劉文蒞 張公甫 □元誠 杜省恭

按經文六面後二面有題名幢記書撰年月皆不可攷

香城寺經幢

幢八面刻今存五各高七尺六寸六分廣七寸字數不計正書在西安府

尊勝陀羅尼經

按末有清信男弟子張口美并眷屬梁氏造幢寫

經始末四行文已半泐不錄香城寺咸寧縣志在
城內錢局創自石晉思遠禪師則在唐時尚未有
寺安得建幢幢記不詳年月又無香城寺明文或
係他處移來姑附于此

涇陽縣經幢

幢高七尺五寸三分八厘每面廣八寸或六寸二分
書或七行或八行行七十三字七十四字不等正書
末銘序行書
在涇陽縣

佛頂尊勝陀羅尼經序

尊勝陀羅尼寶幢銘

并口

京地進士張鍊撰

窮乎化源微之究彼真理妙之本夫天宮寶幢持異
諸相所以樹善除惡開愚解迷蓋帝釋之能崇敬修
羅克勝之置也然則秦都綺句神皋奧區有縣曰涇
之陽鄉曰仙之圃圃有店曰六渠史稱延韓數年之
命爲秦萬世之利卽此之謂矣矧此土惟沃壤俗阜
英奇別有諄諄耆年兼諸信士爲其殘兒尚梗負

我國恩常以錢鑄之餘互相勸勉豈不
能發大宏願上答
休明爰立寶幢永資

皇祚仗佛威力殲厥渠魁偉千載之傳芳傳我里之
盛事可不美矣曰然於是命工人琢奇石集衆妙飾

端儀府長涇鎮逆旅突鄭渠之發地跨荆山以等雲
霞開於峭路之旁電繳於錦川之上震耀原隰草木
增輝列大乘經文現彼寶相備陀羅尼教口是虛無
暴慢者聞之肅恭往來者觀而愕眙軒騎讀過歷險
無驚樵夫誦行履危不懼猶是水中鱗甲遇影而生
天郊外零霧因風而蕩盡則知聖教慈力廣大莫量
若非正真孰能幽贊利物而已亦不可以識識不可
以智知則善住天子適能證歟於戲口口者多利口
者少曷此耆幼殊能達之曰有衆善寺大德沙門齊
秀漢皇胄緒當 代名僧衆皆揖之邀其集事又高

行僧元朗以律傳聖教文接儒流端居招提與秀同
舍雖不在位而能一心懿哉二公更著能事三年夏
四月鍊頃自荊門纔歸舊國因花宮問道遇元朗上
人或賦詩以相口或開經而了義旋則摻袂涉冬又
逢請著斯文素非述者銘曰

高蟠金頂屹亭亭堅立不動千竅真妙崇實相載寶
經旁懸兔月挂鶉星跨山帶原靜郊垌生天鱗甲自
花汀天長地久兮寒光轉青聖君壽福千萬億千齡
按幢銘序云有縣曰涇之陽鄉曰仙之圃圃有店
曰六渠史稱延韓數年之命爲秦萬世之利云云

今攷長安志涇陽縣不見有仙圃鄉之名其曰六渠稽之太平寰宇記有大白渠中白渠南白渠鄭白十二渠合之亦只五渠不知何者爲六渠也延韓數年之命爲秦萬世之利卽指鄭國開渠事史記鄭國鑿涇水自中山西邸瓠口爲渠陝西通志載涇陽縣鄭國廟云韓使開渠疲秦秦覺欲殺國奏曰渠一成誠萬世利也遂赦之後因建廟於洪口堰語與幢合則六渠仙圃其蹟約畧在鄭白二渠之間矣蓋涇水鄭白渠自古以爲利今數百年則不然緣涇水濁濁而易汙故另引泉水以灌田詳

見王太岳經渠志其畧云秦始皇帝元年作鄭國渠漢武帝太始二年作白渠晉武帝太元二年作堅修鄭白渠唐高宗永徽二年修鄭白渠毀渠上碾磴自是歷後周宋元代有修築其後渠日淺利因以廢明憲宗成化元年作廣惠渠武宗正德十一年作通濟渠有明一代治渠最勤江河日下堰引日難隄防益勞決壤益速今昔之勢可以觀矣
本朝雍正五年修龍洞渠乾隆二年增治龍洞渠堤始斷涇水疏泉溉田益龍洞卽廣惠渠自雍正五年治渠渠中淤泥旣去渠岸亦完至是益疏

潛龍洞固其隄防俾水皆輸田利可數倍且泉性
溫冬不皸手甘澄宜稼歲又無耗竭永沐潤澤于
無窮矣因附其說于此俾覽者知 本朝疏濬濬灌
漑之功不得使鄭白專美于前云碑下文有殘兒
梗負國恩及三年夏四月之語不知何時之三年
而所稱殘兒亦不能確指其事衆善寺通志無考
沙門齊秀云漢皇冑緒則俗姓劉矣僧元朗能詩
亦無傳

法門寺經幢

幢高七尺四分七面每面廣七寸各
七行行六十五字正書在法門寺

尊勝陀羅尼經

慈恩寺經幢

幢殘缺僅存高一尺七寸八面面廣六寸六行每行存十七八字不等正書在西安府

陀羅尼呪

開佛寺經幢

幢殘缺止存上截高二尺三寸八面面廣六寸三分各七行行存二十一八字不等行書在開佛寺

佛頂尊勝陀羅尼經

石鼓經幢

鼓已殘缺周圍現存高一丈八寸五分廣二尺八寸六十八行行存二十餘字行書在醴泉縣廣濟寺後

石鼓尊勝經

此以石爲鼓而週刻之其文尊勝經咒也書道健有
法存者不能強半鼓下作石山山上作天王鬼神戴
之斧鑿工甚奇在醴泉縣趙村廣濟寺後疑是唐初
建寺時物寺僧不知護持鼓下爲溷側可慨也石墨
鼎華
按以上十幢俱無年月附於唐末

又按佛頂尊勝陀羅尼經前有序經中有呪開元
釋教錄雜呪總二十三首中有佛頂尊勝陀羅尼
經一卷唐朝散郎杜行顓奉制譯出大周錄第一
譯又佛頂尊勝陀羅尼經一卷唐崩賓沙門佛陀
波利譯出大周錄第二譯又佛頂尊勝陀羅尼經

一卷或加呪字唐三藏義淨譯新編入錄第五譯
又有佛頂最勝陀羅尼經一卷唐中天竺三藏地
婆訶羅譯拾遺編入第二譯又最勝佛頂陀羅尼
淨業障經一卷唐中天竺三藏地婆訶羅於東都
再譯拾遺編入第四譯此五經皆同本異譯者蓋
同名佛頂陀羅尼經而有尊勝最勝之別且入於
雜呪而仍謂之經可知呪卽依經而立者也今所
見諸幢皆刻尊勝無刻最勝者是尊勝經之行世
更盛于最勝矣法苑珠林有云如是不思議清淨
功德聚成就佛身是故如來於天人中最爲尊勝

此最勝尊勝之同義也翻譯名義集陀羅尼秦言
能持集種種善法能持令不散不失譬如好器盛
水水不漏散惡不善根心生能遮令不生若欲作
惡罪時持令不作是名陀羅尼肇翻總持謂持善
不失持惡不生又翻遮持輔行云體遮三惑性持
三智熏聞云遮二邊之惡持中道之善此從慧性
立名闍義云陀羅尼是梵語呪字是華言呪願也
此陀羅尼呪之義也林野僧昔真曰尊勝者佛也
陀羅尼者法也敬知佛法高妙最勝最尊四生不
測其源三天罔觀其相勝妙無極將喻佛頂也此

則佛頂尊勝陀羅尼之總義也王氏圻續文獻通
考釋家總紀引白傅集曰壞罪集福淨一切惡者
莫尊於佛頂尊勝陀羅尼經凡三千二十言此尊
勝經之字數也攷今現行刻本藏經

莫字函內有
第四冊

陀羅尼經三卷一是佛頂最勝陀羅尼經乃中天
竺三藏法師地婆訶羅所譯卽開元錄中拾遺編
入第二譯者永淳元年五月宏福寺沙門彥棕爲
序序稱儀鳳四年正月五日朝散郎行鴻臚寺典
客令杜行顗與寧遠將軍度婆等奉詔譯進時有
廟諱國諱皆隱而避之上謂不須避諱奉詔以正

屬有故而寢焉無幾勅中天竺法師地婆訶羅於
東西二京太原宏福寺等傳譯法寶而杜每充其
選荏苒之間此君長逝余因請沙門道成等十人
屈天竺法師再詳幽趣臨文不諱云云此最勝經
之原委也一是佛頂尊勝陀羅尼經有二譯本各
一卷一爲朝散郎杜行顓譯者無序一爲闕寶沙
門佛陀波利所譯卽開元錄中所謂出大周錄第
一譯第二譯者其佛陀波利譯本有永昌元年八
月定覺寺沙門志靜序今各幢中所刻經呪與序
皆用此本志靜序略云婆羅門僧佛陀波利儀鳳

元年從西國來到五臺山求見文殊師利見一老人謂僧曰漢地衆生多造罪業出家之輩亦多犯戒律唯有佛頂尊勝陀羅尼經能滅除惡業師可却回西國取此經來流傳漢土僧迴還西國取經至永淳二年迴至西京具以上事聞奏帝將其本人內請日照三藏法師及勅司賓寺典客令杜行顥等共譯此經勅施僧絹三十疋其經本禁在內不出其僧悲泣請還流行帝遂畱翻得之經還僧梵本將向西明寺訪得解善梵語漢僧順貞奏其翻譯今前後翻兩本並流行於世小小語有不同

至垂拱三年定覺寺主僧志靜在魏國東寺親見
日照三藏法師諮受神呪法師於是口宣梵旨經
二七日句句委授是足梵音一無差失仍更取舊
翻梵本勘校所有脫錯悉皆改定其呪初注云最
後別翻者是也其呪句稍異於杜令所翻者其新
呪改定不錯并注其音訖至永昌元年八月於大
敬愛寺見西明寺上座澄法師及翻經僧順貞見
在西明寺此經救拔幽顯最不可思議云云此尊
勝經之原委也据志靜序則是初譯經者爲杜行
顓後譯者爲順貞授受呪者爲日照與志靜也經

自永淳二年入中土聞奏大帝尚是高宗時事至
垂拱三年志靜受呪是天后時事其彥棕序則云
儀鳳四年正月杜行顗與度婆等譯進其時佛陀
波利尚未取經入中土也彥棕序與志靜不同者
如此若彥棕爲最勝經作序因應與尊勝不同然
兩經則又相同也且杜行顗所翻不知因何禁在
內不出當佛陀波利悲泣請還時因何不將譯本
付僧又令僧以梵本另自翻譯此疑不能明矣開
元錄以兩經皆出於大周錄則皆是天后時所發
出流行者終高宗之世未嘗出也天后以天授元

年改號爲周大周錄當卽編於是時又在志靜受
呪之後三年經中有書寫安高幢及序有救拔幽
顯不可思議之語是以唐時尊勝經幢徧滿諸道
就昶所得六十餘種其中大率刻呪者多兼刻經
序者少而陀羅尼呪或兼及大悲呪及心經据開
元釋教錄摩訶般若波羅蜜多心經與十一面觀
世音神呪經同在陀羅尼集經十二卷中故可與
陀羅尼經並建亦可同謂之經幢也大悲心大陀羅尼神妙章句與尊勝又別爲一種蓋尊勝佛爲善住天子而說大悲心則觀世音對佛所說其中皆佛菩薩阿羅漢帝釋鬼神之名惟趙孟頫書此呪每句皆指其人始得見而却之故經翻而呪不翻釋家以

經爲顯教以陀羅尼爲密教則尊勝亦猶是也大悲心陀羅尼本以納蘭忒德屬與召謙所刻者最佳附記諸幢刻經既無多間有存者取與大藏佛于此

陀波利譯本互校小有字句不同卽呪中音切亦多小異蓋五印度國地方數千里梵音各別恭讀定同文韻統所列大藏經字母同異譜如天竺字母而外則有伽婆羅譯師利問經不空譯文殊問經金剛頂經竺曇摩羅察譯光讚般若經無羅叉譯放光般若經鳩摩羅什譯摩訶般若經元奘譯大般若經佛駄跋陀羅及實叉難陀地婆訶羅不空般若所譯華嚴經皆互有同異且讀經呪取音復有

二合三合四合之不同譯以垂言方音流別蓋字
母繁多反切殊異遂至參差而不能一也錢塘潘
侍御庭筠云近代僧家施食所誦尊勝呪出明永
樂仁皇后夢感經僧祿宏云唐之威儀經不可信茲
編所錄以有天后新改字者定爲天后時刻列天
后朝之末而以下諸幢亦卽併合爲卷不復分年
編次俾覽者得連類及之凡各幢之有人地官名
可資考證者仍分析詳于各幢而總述其原委於
卷末下及五代數幢則分繫各代不連及云

金石萃編卷六十七終

金石萃編卷六十八

賜進士出身 誥授光祿大夫刑部右侍郎加七級王親誥

唐二十八

鄭仁愷碑

碑已斷僅存上半截高三尺五寸廣三尺三十三行每行字數無考正書

唐故密亳二州刺史贈安州都督口口碑并序

通議大夫行國子司業兼修缺

公諱仁愷字仁愷鄭者宗周之圻內國宣王封其弟口

於咸林以國爲姓京北口其都口至缺下南新口是故今

爲滎陽人我武公父子代爲周司徒詩人美之其詩曰

□□之宜子弊予又缺下清風流於四海盛德□於百代

鬱爲天下甲族縉紳士大夫靡然到今猶□□宗龜

□□缺下倉曹武泉郡太守父宏諒隨安定郡法曹並列

爲君子之林稱爲英俊之□□□□□□下子公吸

淳耀滋靈液因地美而芝蘭生受天真而松栢茂□□

□□□□□□□□缺下□既亂離而瘼矣禮樂

逃散爭攜持而去之聖唐載造區夏削平宇宙□

道焚林求□缺下主簿漢邠與鄒枚並遊□園與應劉方

駕轉幽州三水同州蒲城二縣令君述職二城□□缺下

菜不之食□米無所□□望風□□□□聞名而

自化秩滿遷萊州刺史是時也□□下成之不日望之

如雲□□□□□□□□□□以西候□虞邊寄爲重

□□□授公□□□下高宗升中脩岳預陪□□□

□□□□□□□□□□州□史□□□□□□壤□□

□□□下城邑洞開閭閻對出□□□□□□□□□

□□□□授使持節□州□軍事□□□□□下史傳

車駟駕鼓吹旌旗故人不取私見□□□□□□□

□□□□□國爾□□□□□下辭榮秩 優制許

焉從高志也婆娑田□□傷土墳始□□而□□□□

□□□□□□下有六鳴呼哀哉惟公五山之精六金

之英□□所成刺鍾無聲生而異狀□而□□□□

缺下酌而罔竭延頸者日有所得傾耳者□有所聞節於

□已□於濟物四踐□□二登□□□_{缺下}全耳目逸形

神□然體命油然而合道彼蒼不仁歲我明悲□□□□

□其□□一□与□□_{缺下}州辭驥足及野迭龍轄纏慕

百城行淹一紀昔年草莽間桃李□□□□□□□□

□□□_{缺下}嗣兼田且變廣祈時彥奉讚徽音乃建豐碑

式揚清德其碑□□□□□□□□□□_{缺下}人吏

隔於存亡仍崇頌記雖周人緬懷於邵伯未□遇□□

□□□□□□□□□□□□_{缺下}刺史 皇朝贈徐

州都督臨淄定公之孫太尉□□□□□□□□

□□□□□□_下之餘時與叅謀政事及御車有典結

鏡言歸芬若□□□□□□□□□□□□□□

_下哀毀踰禮乃表奏男智度女光嚴出家以申追福□

□□□□□□□□□□□□□□_下覃錫類之恩

特降追榮之禮神龍二年二月一日制□□□□

□□□□□□□□_下於千載有子十人長曰愛客

萬州刺史贈□州刺史□□□□□□□□□□

□□□_下京懿德寺僧次子固忠定潞許三州刺史少

府少□□□□□□□□□□□□部侍郎次子_下飛讀

先聖之文行諸侯之孝潘中郎之茹口顧慕修口口內

史口口口口口口口口口口口口

缺下作銘曰

大哉宣后詩歌中興武公載德緇衣是稱乃作卿士良

哉股肱玉鉉金幹口口口口口口德必口

缺下廟之寶社稷

之臣

其

肅肅端士宦成兩宮英英時彥口口口同舞口

口口口口口口太正口口

缺下

東來白環西暨

其

按節

海沂分符譙沛明明良牧帝庭稱宸口口口口口口

口口口口口口

缺下

悲夢奠忽愴楹書

其

漢封樂毅周祀庭

堅皇矣

聖作疇德口賢昭口口口口口口口口口口

缺下家考忠于國人之英兮士之則朱馬南子魯武北日

騎騎了口口口口

下缺

寶門姜氏女造像記

記高一尺八寸廣九寸五分入
行行十一字或十二字正書

神龍二年七月七日清信女寶門姜爲妾夫鉅野將軍
李口苟造石像一區高六尺廣一尺願捨身存形莫隨
三保口口口口龍花樹下三會說法所願口口口口
脫若有人毀壞之者口銘自口口口

聖容寺碑像記

記刻於座上橫廣三尺一寸五分高四寸
共五十三行行三字至六字不等正書

神龍二年十月三日灑掃僧舍於家和頓進口聖容寺

額至十二月五日 勅依所請置寺仍度七僧

灑掃王福丞

登士郎段口丘 文林郎楊丘 柱國孟師口 感

妻吳大娘 感男仙奴 感女花口 安守 口口

前仙掌縣令王渙妻于三娘 女六娘 女七娘

男寺家奴

菩薩主成敬宗并妻張 趙毅妻吳 程廉母李

女人口法雲 尹思崇 員文愬 大女嚴 麻明

俊 員優曇 女劉等慈 女員神妃 女鄭淨光

常祖妻楊 谷渾達妻常 王善妻尚 劉神惠

大女張訓 王儉妻楊 女王客口 女人上妙

定 地主任口 女楊媛兒 大女尹 楊雲妻張

大女張口 口虔育 口妹子 清信女姚 吳

貞母王 楊大娘 王八娘 口菩薩主任 衛州

叅軍張大謙妻董法力

識法師頌盧公清德文

碑高九尺一寸廣四尺八寸五分三
十四行行六十一字隸書在蒙陽

大唐洛州滎陽縣頭陀逸僧識法師上頌 聖主中興

得賢公盧公清德之文 并序

前中書舍人內供奉劉穆之墓

瑯琊王守口書

粵允矣於昭

聖唐天子中興拓跡開統迺建皇

極握乾符驅駕百靈摠齊萬類貴與天平比壽富與地
平侔資日月迴薄以淑清告象陰陽變通以樂和乘氣
龍不隱德鳳不潛靈懷生之徒恨著之物咸遂其性固
能使河嶽靜默宇宙文明舊物惟新

昌圖啓旦

大定禮樂戢藏干戈人學而還淳刑措而不用覆燾之
恩溥生育之理足於是邑老田父擊壤而歌張
掖而舞顧而爲頌曰康哉堂哉迺聖迺神代有非常之
主必有非常之臣非常者所謂口尤桀出與時偕

運則我賢令盧公其人焉古曰聖主得賢臣今見之矣
百里令長親人之要者也煩劇所鍾賢良是責故有四
利堂室孔甫稱乎冉求三國股肱趙武知乎邢伯應星
雷而鎮風雨類父母而若神明鄭產之開喻獲禽魯恭
之垂仁及獸循聲流於簡牘良政在於歌謠斯焉取斯
之子之遠若乃張英風於上國宣懿範於中都允升大
猷耳有成績休光終不圉盛德其與京觀其化焉則盧
公之心可知矣公名正道字真直范陽人昔元年景辰
上帝甄其九萬正月甲子太公課其八百漢祖以同日
相愛利建藩維魏祖以餘風可嘉聿推植幹或清虛而

循禮典早識張華或文思而發詩書深知越石曾祖昌
衡隨金州刺史儀同三司太子左庶子風神澹雅經史
該博宣六察而馳熊軾翊三善而列鳳條德爲人表行
士則祖寶素隨晉州別駕有禮有法于紀于綱得管輅
之清談發王祥之雅詠孝安壽

皇朝朝散大夫

襄州司馬綿州長史蘭芬桂紫月鑒霜明珠皋則洗幘
擅奇玉壘則題輿綉化公五行秀氣五色淳光忠口恭
懿以立身孝敬溫良以行己涵珠孕璧懸閼澤之高名
舞栢吟松動嵇康之逸韻文史足用方朔之言有徵器
宇難量叔則之才可覲解褐調爲冀州信都口口薄轉

絳州太平縣丞長河之間彼汾之曲朱鉤理劇黃綬安
卑鴻漸于磐鸞遷于木
勅授陝州司士叅軍又

改汴州浚儀縣令佐襜帷於陝服式允清嚴綰銅壘於
梁城克敷恩信
我皇紹膺丕業嗣守珍期明一

之徽号聿崇凡百之榮階式叙神龍元年
制加

朝散大夫例也居無何
制爲洛州新安縣

令又改滎陽縣令爾其索亭舊邑滎澤輿區郊連北制
地接東里上躔鶉火鬲控山泉神州則帶河汭洛淇漕
則通江達幾五方雲湊公驟私奔百族星稠邀時旆利
盤根錯節允屬於升卿先教後刑必推於季子公下鼻

鳥用牛刀承天理人以居其職尊五屏四以制其範開
道途焉設堤防焉陳之以禮樂導之以德義宣柔嘉恤
孤寡去末返本利用厚生至爲濟濟庠塾莘莘冠履王
渙之勸率佐吏范甯之惠養生徒人識廉讓之儀口行
俎豆之禮其崇學有如此者龍麟促務馬骨攘災就穡
占於五星納稼詳於十月子奇之鑄器童恢之易牛其
勸農有如此者持笏濟猛以禮代刑兩造盡其根源五
聽窮其詞色穿窬自息請託不行歸過臘之囚原復讐
之罪桴鼓罕施於道路桎梏無用於狴牢其政令有如
此者貞年巡戶定賦徵徭情爲必探高卑咸若心同懸

鏡自辨妍蚩手類持衡不差輕重其平直有如此者果
行育德循己正身徐邈之有常口奮之無潤冰壺載潔
塵甑自空其清白有如此者入其境則出嚙盡墾草萊
盡闢此恭敬以信故其人盡力也入其邑則墻屋甚完
樹木甚茂此忠信以寬故其人不偷也至其庭府吏甚
清閑諸下用命此明察以斷故其政不擾也可謂季路
爲宰復在於斯任人以逸從善如流耳目平而心氣和
四支全而百工理父事三人以教孝兄事五人以教悌
可謂子賤爲宰復在於斯固以得良吏之要津行古人
之至道頃者年穀不登時雨未降

聖皇減大官

之膳出幽閭之囚是歌雲漢之詩式備山川之禱恐一
物之失所慮百姓之阻飢徙有之無遂起泛舟之役賑
貧救乏爰行發廩之施公上廼

應澤下罄丹誠家

到戶至哀丑益寡優之柔之撫之育之里詠途歌人安
俗泰雖雲行載沐旋符以夜之期而風教特隆實荷如
春之德導揚庶美字育羣吐惠化所以周洽風流所以
藉甚豈直王譚在職時叟号其無雙張旣臨官京輔稱
其第一而已河南道巡察使衛州司馬路敬潛以政術
尤異奏聞使乎使乎得其人矣是知韓稜之飛章已奏
徵入有期焦貢之行雨載馳願留難遂丞馬據主簿解

伯宗尉高資司馬貽道等並于將重寶新甫貞柯道可
濟時位不充量溟海卽鯢鵬所化枳棘非鸞鳳所栖翊
贊多方聲華有裕望逸驥而將遠撫留犢以增傷孤我
德而無鄰勞我思而無極爰有等慈寺頭陀逸僧識法
師俗姓來比漢丞相之後秀也天稟聰偉生而俊奇發
願爲國敬造阿彌陀石碑像并頌聖德及鑄神
鍾鄉人前巴州曾口縣尉劉虔獎錄事王虔福常守一
佐史里正等或簪纓著族夙勞州郡之班或仁義在躬
整屈鄉閭之任耕田鑿井遭聖主之休明孝道
忠規受君子之名教以爲叫丹闥而一借未達由

東樹翠碣而長懸方存相質惠我無疆之澤徽烈允光

思君不樂之情德音何已殷溝作頌文在茲乎其詞曰

大地山河中天朝市玉帛萬國子男百里惟索之亭惟

京之水鰲鰓原隰森森杞梓其粵茲撫字須彼仁賢俗

之化者君之宰焉操我利器亨我小鮮聞歌下邑舞合

重泉其其政不嚴其儀不忒秩秩詩禮光光道德爰務

耕桑罕施徽纆無偏無黨有典有則其鳴琴密賤花發

潘仁俸唯計日口乃生春視人如子臨事若神鷹坐

化瑞雉行馴其自冬徂春密雲不雨曲降絲綽載

傾敖庾沐蘭奠桂救貧濟饗旋感月離方期歲取其祝

良何德汲黯何功達望千載寧踰一口既流膏雨克播
循風聲聞于外化協于中其風使載揚曠途攸展芳菊
無絕甘棠勿剪式紀清芬爰憑翠篆歌詠不足聊稱其
善

神龍三年歲次丁未五月戊戌朔八日己巳建

李口節刻字

碑文甚絲麗可頌云身有成績以代厥字頌云琴鳴
密賤以代宓字主簿字作蒲漢碑皆如此可証孟子
先簿正祭器之卽簿也正道官至鄆州刺史葬在洛
陽許家營開元間李邕爲書神道碑今存史不載在

良吏傳何也劉穆之見寶刻類編有長安三年劉惔
造七寶阿彌陀像記是其書撰云在京兆今未見州
金石記

時中宗方復位碑故題中興而以頭陀逸僧冠於其
首殊爲非理此碑與聞喜長韓仁碑俱在滎陽縣儀

門煥術
編

按碑題瑯琊王守口書勅其名一字金石文字記
載雲居寺山頂石浮圖後記開元二十八年莫州
吏部常選王守泰行書此碑下距書雲居寺碑計
三十三年疑卽王守泰壯年所書故不署官位也

文云昔元年景辰上帝甄其九萬此語未詳考自
周以前元年之值丙辰歲者惟商王祖庚記以備
考下云正月甲子太公謀其八百似謂盧氏出於
姜姓齊太公之後也曰漢祖以同日相愛利建藩
維謂漢之盧綰與高祖同里同日生高祖起沛綰
以客從入漢爲將軍擊破臧荼乃立爲燕王曰魏
祖以餘風可嘉聿推楨餘謂三國盧毓乃植之子
仕魏至吏部尙書封容成侯曰或清虛而循典禮
早識張華或文思而發詩書深知越石似指晉之
盧欽盧湛皆正道先世也曰曾祖昌衡隨金州刺

史儀同三司太子左庶子昌衡隋書附盧思道傳
云字子均小字龍子工草行書與從弟思道小字
釋奴俱稱英妙幽州爲之語曰盧家千里釋奴龍
子年十七魏濟陰王元暉業召補太尉參軍事兼
外兵參軍齊氏受禪歷平恩令太子舍人遷尙書
金部郎周武帝平齊授司玉中士隋開皇初拜尙
書祠部侍郎歲餘遷金州刺史仁壽中奉詔持節
爲河南道巡省大使稱旨授儀同三司乞骸骨大
業初徵爲太子左庶子子寶素寶允碑云祖寶素
隨晉州別駕考安壽皇朝朝散大夫襄州司馬綰

州長史唐書宰相世系表寶素附澤州內部長晉
州別駕安壽綿州長史碑與表互有詳畧碑云神
龍元年制以公爲洛州新安縣令又改滎陽縣令
河南道巡察使衛州司馬路敬潛以政術尤異奏
開唐書路敬潛附路敬淳傳但云歷懷州錄事參
軍坐事繫獄免死後爲遂安令久之遷衛令位中
書舍人不云其爲河南道巡察使衛州司馬考巡
察使之置在中宗神龍二年勅左右臺內外五品
以上官識理通明無屈撓者二十人分爲十道巡
察使二周年一替以廉按州郡語見文獻通考時

路敬潛爲衛州司馬正從五品下蓋以外官應巡察之命然則敬潛之品望可知可以補路傳之畧也此碑陽刻景龍元年十月十七日賜洛州滎陽縣令盧正道勅云贈卿祿秩以褒善政事在路敬潛奏聞之後但云贈祿秩不知遷何官殆世系表所稱鄂州刺史卽由是而遷歟碑題洛州滎陽縣唐書地理志鄭州滎陽縣天授二年析置武泰縣隸洛州尋省更滎陽曰武泰萬歲通天元年復爲滎陽又別置武泰縣二年省更滎陽曰武泰神龍元年復故名二年來屬所謂來屬者自洛州來屬

鄭州也然志作神龍二年來屬而碑于三年猶題
洛州滎陽則志或謬也識法師爲滎陽等慈寺僧
檢河南通志滎陽縣不載等慈寺故無考等慈寺有碑已
見前文云德爲人表行士則行士則句脫一字

盧正道勅

勅刻清德文碑陽六
行行十一字正書

皇帝問洛州滎陽縣令盧正道卿才行早著清白有聞
夙夜在公課最居首使車昇獎朕甚嘉之今贈卿祿秩
以褒善政勉勗終始無替嘉聲

景龍元年十月十七日

宰相世系表正道鄂州刺史今洛陽許家營有鄂州
刺史盧府君神道碑云除洛州新安宰以犯諱更榮
陽又云璽書是降又云勉勵終始無替嘉聲卽謂此
勅也正道生有美政至今葬處猶賴碑碣可以考知
其祖父兄弟名具見世系表

中州金石記

勅字大徑五寸餘碑陰刻盧公清德文益當神龍三
年五月至八月改元後又降勅褒美按正道官至鄂
州刺史見唐書宰相世系表今洛陽亦有正道神道
碑予叅以此勅碑陰所記正道釋褐爲冀州信都主
簿轉絳州太平縣丞授峽州司士叅軍改汴州浚儀

縣令爲洛州新安縣令又改滎陽縣令攷神道碑恩
除洛州新安宰以犯家諱更缺則新安未嘗之官遂
改任滎陽也正道歷官始末可紀惜不爲立傳次於
良吏猶幸得此勅爲之著其跡也授堂金石跋

按正道以循吏得名至于下勅褒美兩唐書已不
爲立傳而河南省府志循吏傳內亦不載其人志
書舛陋疏略皆如此可一喟也書此以警世之作
志傳者所當詳求兩攷也

口部將軍功德記

碑高四尺五寸廣三尺七寸十八行行三十一
字隸書郭謙光一行隸書在太原縣天龍寺後

大唐口部將軍功德記

郭謙光文及書

咨故天龍寺者兆基有齊替虛隋季蓋教理歸寂載宅
茲山之奧龕室千萬彌亘崖岵因广增修世濟其美夫
其峯巒岌磔丹翠含赭灌木蕭森濫泉曙沸或叫而合
擊誼譁者則參虛之秀麗也雖緇徒久曠禪廡荒闕而
邁種德者陟降遐險固無虛月焉大唐天兵中軍副使
右金吾衛將軍上柱國遵化郡開國公口部珣本校東
海世食舊德相虞不驥之奇族行 太上懷邦山余
載格歷官內外以貞勤驟從天兵重鎮實佐中軍于神

龍二年三月與內子樂浪郡夫人黑齒氏卽大將軍燕
公之中女也躋京陵越巨壑出入次宮牽攀莖蔓再休
再咽酒簷夫渾域焉於是接足禮已卻住一面瞻規口
歷歎未曾有相與俱時發純管誓博施財具富以口上
奉爲 先尊及見存姻族敬造三世佛像并諸賢聖
刻彫口相百口莊嚴冀籍勝因圓資居住暨三年八月
功斯畢焉夫作而不記非盛德也遵化公資孝爲忠口
義而勇顙頤以國蹇連匪躬德立口行事時禮順塞旣
清只人亦寧只大蒐之隙且闕三乘然則居業定功於
斯爲盛光昭將軍之令德可不務虛故刻此樂石以旌

厥問其嗣曰

口錄明德知終至而忠信孝敬元亨利而摠戎衛服要
荒謐而飛緣詣覺歸口口口

大唐景龍元年歲在鵠首十月乙丑朔十八日口午

建

部選宣德郎昕 次子吏部選上柱國曠 次子

上口口口 次子兵部選仲容 公聿天口口軍

摠管口義

今在太原縣天龍寺後將軍名珣其氏曰口部而部
上闕一字官至天兵中軍副使右金吾衛將軍上柱

國開國公與其夫人黑齒氏造像之記其文曰本支
京海世食舊德相虞不厭之奇族行太上懷邦由余
載格蓋蕃將之歸唐者也

金石文字記

右口部將軍功德記唐時并州置天兵軍口部珣以
右金吾衛將軍爲天兵中軍副使因造三世佛像於
太原之天龍寺碑文八分書而首行郭謙光文及書
六字則篆書金石文字記闕謙光之名今據石本補
之珣妻黑齒氏燕國公常之之中女常之百濟西部
人而此碑亦有本枝東海之語

金石文字記作京海誤

疑珣亦

系出百濟與常之同降唐者爾碑末題景龍元年歲

在鶉首鶉首於十二次屬未是年太歲在丁未也潛研

堂金石
文政居

按此碑前題郭謙光文及書獨用篆字而文則隸
書體之異者也文云與內子樂浪郡夫人黑齒氏
撰文人稱人之妻曰內子亦初見此碑末行記其
子又及其壻亦與他碑異例黑齒氏爲百濟複姓
唐書諸夷蕃將傳有黑齒常之爲百濟西部人是
高宗平百濟後歸朝者夫人其中女也

法琬法師碑

碑高五尺二寸廣三尺其三十行每行五十四字正
書額題大唐故比丘尼法琬碑九字篆書今在西安

大唐□□寺故比丘尼法琬法師碑

靈安寺沙門承遠撰

左衛翊壹府翊彭城劉欽旦事

若夫瑤水之濱歌白雲而長往玉臺之上乘綵霞而不
還敬美布闥門之規珎姬光中禁之□□□□參差
異轍猶且播芳敬於□□□□實於紫書豈如開八正
門去塵離俗入三乘藏錦深致遠喻棧於愛河之水傳
燈於昏衢之地見之於法師矣法師諱法琬俗姓李□
□□□道人也

應天神龍皇帝之三從姑焉原

夫馬喙高止彰白雲之茂祉神光函谷表紫氣之仙望
清風映乎中古大命集乎□□

高祖

景

皇帝道出鱗皇功高羽帝牢籠天地運日月而揆陰陽
彈壓山川馳黎屯而濟仁壽曾祖故鄴王亮謚曰孝成
池別派□□枝乾垂帝子之星坤列天孫之嶽刻舟
標智岐嶷已稱毀竇擅奇仁心早茂由是榮開朱邪竊
盛綠車豐冠葢之遊列山河之郡祖神□□空荆楊
并三州大都督上柱國襄邑王謚曰恭懷漢天人紫微
帝系大禹以能平水土式叶帝俞茂先以該博知名允
諸時望惟楊奧壤□□雄藩地枕荆門郊通汝海張皂

蓋而拔舉寡形稽而督察去思來晚德化長流五袴兩
岐毗謠式著九江士女旣聞口口之詠三晉人吏還口
戢兵之曲父德懋故金紫光祿大夫少府監宗正卿兵
部尙書上柱國臨川公謚曰孝簡列公侯地隆勲威天
分斗極口口喉舌之榮地括口海仍受股肱之寄法師
生積善之門誕爲賢之室風神外朗慧敏內融幼懷削
髮之因固拒結褵之義臨川公寢苦在疚風樹銜哀莫
申罔極之心徒結充窮之痛去永微六年襄邑王薨其
年奉爲亡父捨所愛之女請度出家

皇上

以孝道所裨諒資於冥福誠心克著口展於香緣奉

勅出家時年十有三也并度家人三七並以
充師弟子法師卽隨故吳國公尉綱之外孫其寺吳公
之本置也余口黃金布地尙疑須口之園白鶴成林卽
是菩提之樹日宮月殿無晦無明蓮座花臺長春長夏
法師別置一院以修道焉苦行精心與冰霜而彌勵戒
範禪結將竹栢而逾貞地酒護珠人惟似錫故得禪枝
日茂覺藥年芳忍鎧橫霜銛鋒穎而無極戒珠含月射
光芒而自遠至若買花散花之典滿偈半偈之經莫不
吞若胃臆如抵諸掌至酒論堂霞閣曳絨成陰法座雲
懸飛錫連影人同竹葦象若稻麻法師明鏡伺鑒洪鐘

竹扣流言泉於玉吻驚思風於牙扇剖疑析滯虛往實
歸固以聲華鍊腹德高巢口檀林擢秀龍苑騰芳益摩
門之棟梁緇徒之領袖矣方冀滿足授手長宏六度之
津覃思研精永啓四禪之鍵豈謂驟易往藤鼠難留
若東魯之山頽類西州之石折教在運往感息化窮智
炬由是淪暉堅林以之變色以垂拱四年歲次戊子九
月己酉朔日遷神于口口寺春秋卅有九惟法師襟神
雅正操履堅明道在則尊德高爲資法堂宴坐心可降
魔梵宇經行影能馴鶴高行鄰於初地雅譽重於殄天
成惟周拯志尙高蹈至於六時清梵想魚嶺而騰音五

夜馴行候鯨鐘而肅慮楷模梵衆雪凜冰清導揚龔俗
雲歸海赴清徒仰教未極靈風迅景不留奄隨泡露尼
仙悟迦毗卽法師之姪女也義均猶子思承上足貞心
雪皎慧性霜凝陶善誘而日深沐慈風而歲遠悲法眼
之淪照痛禪宇之摧梁粵以景龍三年歲次己酉正月
己未朔十五日癸酉 勅起塔于雍州長安縣之神禾
原禮也崇構峩峩前臨黃嶠之曲層基口護却枕青城
之隅草凌晨而薤露晞樹肅夜而松風起以爲天長地
久日月所以修瓊露往霜來陵谷以之遷貿昔武成之
口勒徽範於貞碑蜜陵之妃昭媛德於豐碑矧乎道高

龍爲德隆鸞爲契無三之妙口入不二之元樞豈可相
質無同受辛莫紀敢勒清風之頌庶流終古之德其銘
曰

鶴林西廢傷教東延邈矣年祀英靈罕傳挺生明慧惟
我師焉白雲凝祉紫氣浮天 皇宗赫弈 帝緒蟬聯
誕乎令輿克嗣先賢聚沙之日救蟻之年仁心夙表慧
性俄堅方釋塵累遂託良緣心清鏡徹戒潔珠圓精誠
苦行雪凜冰鮮三乘洞曉九部咸甄時臨講肆亟陟香
筵鷄鸞雜遝龍鳥駢闐一楊辨圓幾沐言泉法門棟宇
覺海舟舫四馳詎息二鼠俄遷輔仁莫驗與善徒口式

建高塔爰臨古阡南瞻豹窟北瞰龍川桑榆落日松楸
生煙山風四起隴月孤懸一銘芬烈三變桑田

景龍三年歲次己酉五月十日比丘尼仙悟迎毗等
建

右碑題云大唐故比丘尼法琬法師碑按碑法師諱
法琬神龍皇帝之三從姑鄭王亮之曾孫史稱鄭王
元懿爲小鄭王又曰惠鄭王以別于亮亮之子孫皆
有諱而無傳法琬奉勅爲尼創建祠宇又剃度女僧
三七爲弟子歿則銘碑垂後唐之佞佛此爲尤異錄
之以示一嘸碑有天分升應極升應是斗漢隸升升

二字易訛故正書改升爲斗至唐承襲已久不應如

此之謬也

金石錄補

此碑於數歲前土人甯於市匠人方磨爲別用咸寧
令柳君見之移於碑林按唐史襄邑恭王諱神符贈
司空今碑內神字下缺二字當是符字又稱神符贈
荊州都督今碑稱荆揚并三州大都督又德懋附見
神符傳第二云官少府監臨川郡公餘官及謚俱不載
皆史之缺誤也德懋捨女爲尼爲親資福誠愚孝也
其謚曰孝有以夫

雍州金石記

右法琬法師碑法琬中宗之三從姑太祖景皇帝之

元孫女也父臨川公德懋嘗官宗正卿兵部尙書諡
曰孝皆史所不載史稱永徽二年襄邑王神符薨而
碑云六年薨與史不合據碑法琬以襄邑王薨之歲
奏請出家時年十有三垂拱四年卒春秋卅有九今
以永徽六年年十有三推之祇四十六歲耳竊意神
符薨于永徽二年史文未必誤其年德懋請捨所愛
女爲亡父祈福奉勅聽許而法琬之出家則在其明
年年始十三也碑以二年爲六年特書者之誤而碑
爲左衛翊衛府翊衛劉欽旦書翊一府者五府之一
以壹代一唐時公牒已多用之矣

潛研室金石文跋尾

碑云法師卽隨故吳國公尉綱之外孫尉遲綱以天和四年卒去周亡尙十三年當言周而言隨者僧人之筆不可以言國家之事也

城術編

按碑云法師卽隨故吳國公尉綱之外孫其寺吳公之本置也攷長安志嘉會坊西南隅褒義寺本隋太保吳武公尉遲剛宅初剛兄迴置妙象寺于故都城中移都後剛捨宅立寺名褒義材木皆舊寺者似卽此碑所云吳公之本置也北周書有尉遲綱傳綱字婆羅蜀國公迴之弟也以迎魏孝武功拜殿中將軍大統元年授帳內都督討李泥破

寶素以功封廣宗縣伯進爵爲公拜平遠將軍步兵校尉累遷驃騎大將軍開府儀同三司加侍中進爵昌平郡公魏帝廢立齊主仍以綱爲中領軍總宿衛周世宗卽位進位柱國大將軍武成元年進封吳國公累拜少傅授大司空出爲陝州刺史天和四年薨于京師謚曰武是尉遲綱疑卽長安志之尉遲剛而薨于周時未嘗入隋長安志誤也然則碑題尉綱當卽尉遲綱寺名缺泐是襄義寺也後云勅起塔于雍州長安縣之神禾原陝西通志長安縣香積寺在城南子午谷正北神禾原上

則是神禾原在子午谷之北矣恐當時起塔卽在
香積寺未可知也此碑金石文字記云在西安府
城外賈里村蓋是顧氏當時見碑之所在其後乃
移入西安府學也